

PRESIDENCIA DA XUNTA DE GALICIA

SECCIÓN 04

1. COMPETENCIAS

O Decreto 231/2005, do 11 de agosto, establece os seguintes órganos superiores que dependerán da Presidencia da Xunta de Galicia:

1. Secretaría Xeral da Presidencia
 - Asesoría Xurídica Xeral, con nivel orgánico de dirección xeral
 - Dirección Xeral do Gabinete da Presidencia
2. Secretaría Xeral de Análise e Proxección
3. Secretaría Xeral de Comunicación, á cal estará adscrita a Compañía de Radiotelevisión de Galicia.
 - Dirección Xeral de Comunicación Audiovisual
4. Secretaría Xeral de Relacións Exteriores
 - Dirección Xeral de Cooperación Exterior
5. Secretaría Xeral de Emigración
6. Secretaría Xeral de Política Lingüística

2. OBXECTIVOS E LIÑAS DE ACCIÓN PARA O ANO 2009

Os obxectivos e liñas de acción destes órganos concréntanse, de acordo co previsto no Decreto 44/2006, de estrutura orgánica dos órganos superiores dependentes da Presidencia da Xunta de Galicia modificado por Decreto 145/2007, do 19 de xullo, nos seguintes:

SECRETARÍA XERAL DA PRESIDENCIA

Apoio e asesoramento técnico á Presidencia da Xunta de Galicia e colaboración, coordinación, supervisión e apoio aos órganos adscritos á mesma, como é a Dirección Xeral do Gabinete de Presidencia e a Asesoría Xurídica, que prestará a asistencia xurídica da Administración da comunidade autónoma e da súa Administración institucional, incidindo no asesoramento consultivo e no desenvolvemento normativo e lexislativo, profundizando na defensa efectiva ante os órganos xurisdiccionais.

A Secretaría Xeral coordina as actuacións dos órganos superiores da Presidencia para facilitar a consecución dos seus obxectivos co apoio de servizos comúns.

SECRETARÍA XERAL DE ANÁLISE E PROXECCIÓN

Mantemento e ampliación dun banco de datos que permita agrupar os diversos estudos realizados ata agora na comunidade autónoma, incorporando aqueles procedentes de empresas, universidades e entidades públicas e privadas. Así mesmo, realización de estudos sobre temas de interese social.

SECRETARÍA XERAL DE COMUNICACIÓN

A Secretaría Xeral de Comunicación é o centro xestor encargado de executar a política xeral da Xunta de Galicia en materia de comunicación e audiovisual. Está adscrita a esta Secretaría Xeral a Dirección Xeral de Comunicación Audiovisual. Segundo ao recollido no Decreto 231/2005, do 11 de agosto, polo que se establecen os centros directivos dependentes da Presidencia da Xunta de Galicia, ten dependencia funcional da Presidencia e orgánica da Consellería de Presidencia, Administracións Públicas e Xustiza.

A Secretaría ten como obxectivos estratéxicos o fomento e apoio aos medios de comunicación e potenciar o desenvolvemento das tecnoloxías da información e telecomunicacións, facilitando o acceso á información. Neste senso, preténdese avanzar na posta en marcha de proxectos que estimulen o uso da lingua galega nos medios, a promoción dos valores e a imaxe de Galicia dentro e fóra da nosa comunidade, e a divulgación da acción institucional da Xunta.

SECRETARÍA XERAL DE RELACIÓNS EXTERIORES

1. Deseño e execución da estratexia de Acción Exterior de Galicia, como política de acción exterior propia, atendendo aos seus valores e intereses.
2. Potenciar a rede de Delegacións da Xunta de Galicia no exterior.
3. Difundir a imaxe de Galicia no exterior
4. Afianzar unha cooperación de segunda xeración con Portugal a través da figura, Agrupación Europea de Cooperación Territorial (AECT).
5. Potenciar a proxección internacional de Galicia.
6. Achegar Galicia no contexto de Rexión Europea como país de identidade propia.

Os obxectivos prioritarios da Dirección Xeral de Cooperación ao Desenvolvemento son:

1. Dar cumprimento á Lei 3/2003, do 19 de xuño, de cooperación para o desenvolvemento e Plan Director da Cooperación Galega.

2. Potenciar a cooperación ao desenvolvemento, mediante o incremento anual da dotación orzamentaria tendente a lograr, cando menos, o 0,4 % dos orzamentos da Xunta de Galicia, así como a conseguir que, a medio prazo, a cifra acade o 0,7 % do PIB, recomendado polas Organizacións internacionais.
3. Fortalecer a cooperación ao desenvolvemento incrementando as súas liñas de actuación cara a conseguir unha mellora significativa nos seus obxectivos a acadar, especialmente na cooperación directa.
4. Garantir a presenza galega no exterior na materia de cooperación internacional para o desenvolvemento, así como servir de apoio ás universidades, organizacións e empresas galegas para afrontar o seu papel e responsabilidade nos países terceiros nos que se inclúen.
5. Apoiar a profesionalización do sector da cooperación para o desenvolvemento.
6. Reforzar o compromiso cun mundo máis xusto, así como coa erradicación da pobreza e as súas causas.

SECRETARÍA XERAL DE EMIGRACIÓN

As liñas básicas de actuación son as seguintes:

1. Desenvolvemento do Plan estratéxico da emigración 2006-2009
 - a) Asistencia sociosanitaria aos galegos e galegas residentes no exterior que se atopan en situación de vulnerabilidade.
 - b) Impulsar os programas relacionados cos centros galegos, para garantir a viabilidade destes, como espazos asociativos autosostibles capaces de dar resposta ás novas necesidades da cidadanía galega do exterior.
 - c) Programas dirixidos á xuventude galega e ao colectivo feminino do exterior para a súa participación activa nos proxectos do tecido asociativo da Galicia exterior.
2. Desenvolvemento do Plan galego de cidadanía, convivencia e integración 2008-2011
 - a) Desenvolvemento dunha acollida de carácter integral, e en especial para situacións de vulnerabilidade.
 - b) Fomento da integración sociolaboral.
 - c) Promoción da saúde, prevención e educación.
 - d) Actuacións dirixidas á atención integral a mulleres inmigrantes.

- e) Facilitar o acceso á vivenda.
 - f) Accións de sensibilización e fomento da convivencia intercultural.
3. Reforzar o apoio socioeconómico aos retornados, fomentando a súa inserción na sociedade galega.

SECRETARÍA XERAL DE POLÍTICA LINGÜÍSTICA

O obxectivo global é o de potenciar o uso normal da lingua galega en todos os sectores da sociedade. Isto concrétese como segue:

1. Darlle un maior prestixio ao idioma galego.
2. Promover a igualdade de dereitos e deberes para as dúas linguas oficiais de Galicia.
3. Conseguir unha maior presenza do uso do galego nos diferentes sectores da sociedade.
4. Procurar, para a lingua galega, a incorporación de novas tecnoloxías da fala que faciliten o seu uso e que a convertan nunha lingua moderna, áxil e funcional.
5. Incrementar a proxección exterior da lingua mediante unha maior presenza da mesma nas universidades do resto do Estado, nas de Europa e de América.
6. Incrementar a presenza e o uso da lingua galega na Administración periférica do Estado e nas institucións da Unión Europea.

Estes obxectivos desenvólvense nos seguintes campos de actuación: formación, investigación e promoción. Deste modo faise do galego unha lingua moderna no léxico e nos instrumentos e medios, para que poida ser lingua de uso cotián e normal en todos os campos e sectores da poboación (mesmo naqueles menos proclives ao seu uso).

3. ORZAMENTO DE GASTOS PARA O ANO 2009

3.1 DISTRIBUCIÓN FUNCIONAL. PROGRAMAS DE GASTO

PROGRAMA 111A. PRESIDENCIA DA XUNTA DE GALICIA

1. Descrición

O Programa 111A “Presidencia da Xunta” ten como función e subfunción a “Alta dirección da Comunidade Autónoma” sendo as atribucións do Presidente, na execución do programa, a dirección e coordinación das actividades da Xunta de Galicia.

2. Actividades

As actividades fundamentais da Secretaría Xeral da Presidencia, como órgano superior previsto no Decreto 231/2005, do 11 de agosto, polo que se determinan os centros directivos dependentes da Presidencia da Xunta de Galicia, derivan das funcións que lle corresponden por Decreto 44/2006, do 2 de marzo, de estrutura orgánica dos órganos superiores dependentes da Presidencia da Xunta de Galicia, modificado por Decreto 145/2007, do 19 de xullo. Para levar a cabo as súas atribucións, esta secretaría xeral levará a cabo como actividades máis significativas, as seguintes:

1. Prestar asistencia técnica e asesoramento ao Presidente da Xunta de Galicia en todo o que a requira.
2. A coordinación dos órganos adscritos á secretaría xeral sinalados no artigo único epígrafe 1 do Decreto 231/2005, que son a Dirección Xeral do Gabinete da Presidencia e a Asesoría Xurídica Xeral.
3. Dirixir o Departamento de Protocolo desenvolvendo os programas de actividades do Presidente da Xunta e as relacións en materia de protocolo coa Administración Xeral do Estado e coas demais administracións públicas.
4. Dirixir as actividades da Casa de Galicia en Madrid.
5. A xestión orzamentaria, económica e administrativa, derivada da elaboración e do control do orzamento da secretaría xeral, así como a coordinación da elaboración dos orzamentos da Presidencia da Xunta.
6. Desenvolver as funcións de xestión do persoal do conxunto dos órganos superiores dependentes da Presidencia da Xunta, encomendadas polo Conselleiro de Presidencia, Administracións Públicas e Xustiza.
7. Coordinación dos asuntos xerais da Presidencia da Xunta de Galicia.

8. As funcións ordinarias de despacho que lle son propias, así como as que lle sexan delegadas polo Presidente da Xunta de Galicia.

Por todo iso, ademais das altas funcións de dirección e coordinación da política do Goberno da Xunta de Galicia, exércense as actividades ordinarias necesarias para a execución do programa, e a supervisión, coordinación e apoio aos outros órganos adscritos á Secretaría Xeral da Presidencia.

3. Órgano encargado da súa execución

Secretaría Xeral da Presidencia

PROGRAMA 111D. ALTO ASESORAMENTO DA COMUNIDADE AUTÓNOMA DE GALICIA

1. Descrición

A Secretaría Xeral de Análise e Proxección ten como función proporcionar ao Presidente da Xunta de Galicia unha estrutura de análise, documentación e proxección que permita incorporar a opinión e os coñecementos de cidadáns e expertos nos procesos de toma de decisións.

O orzamento actual persegue obxectivos diferentes, algúns xerados polo propio funcionamento actual da secretaría, e outros relativos ao que debe ser a súa dinámica habitual.

1. Informar e asistir ao Presidente en materias específicas onde o concurso de expertos provea dun aumento de calidade na decisión pública.
2. Informar ao Presidente e ao Goberno sobre os temas fundamentais que interesan á opinión pública, a fin de construír un modelo democrático que teña en conta as necesidades, demandas e expectativas dos cidadáns.
3. Dirixir e coordinar o Servizo de Análise e Documentación e o Servizo de Análise e Estudos da Presidencia.

2. Actividades

Para acadar os obxectivos mencionados realizaranse unha serie de accións que a continuación describimos:

1. Incorporación á web de datos e estudos realizados na comunidade autónoma, pola propia Xunta de Galicia, así como por empresas, universidades e entidades públicas e privadas.
2. Realización de conferencias, encontros de expertos, etc..., para a análise de temas específicos de interese.

3. Elaboración de estudos sociolóxicos que permitan ter coñecemento da opinión pública galega.
4. Edición e publicitación dos estudos e datos que poidan ter interese social ou utilidade científica.
5. Desenvolvemento do Servizo de Análise e Documentación co fin de que poda documentar sistematicamente a actividade do Presidente e do seu Goberno.
6. Desenvolvemento do Servizo de Análise e Estudos a través da realización e canalización de estudos específicos en áreas de especial interese.
7. Repoñer e completar, no servizo de documentación, coleccións de revistas, libros e documentación diversa.
8. Establecer colaboracións con servizos e organismos semellantes, doutras comunidades autónomas, que permitan valorar certas dinámicas en perspectiva comparada.

3. Órgano encargado da súa execución

Secretaría Xeral de Análise e Proxección

PROGRAMA 111E. RELACIÓNS EXTERIORES

1. Descrición

Sobre a base do Decreto 44/2006, de 2 de marzo, modificado polo Decreto 145/2007, do 19 de xullo, e na continuidade da política económica seguida por mor do desenvolvemento competencial, podemos dicir que a Secretaría Xeral de Relacións Exteriores pretende acadar os seguintes obxectivos:

1. Apoiar e asesorar á Presidencia da Xunta en todas as actuacións que en materia de relacións exteriores leve a cabo a Administración autonómica.
2. Desenvolver unha política de acción exterior propia, tendo en conta os intereses de Galicia e os diversos escenarios políticos que inciden nos mesmos.
3. Impulsar e potenciar as distintas delegacións da Xunta de Galicia como mostra dun novo xeito de promocionar a imaxe de Galicia, defender os seus intereses específicos e servir á colectividade galega do exterior cos mesmos dereitos e garantías dos cidadáns asentados no territorio galego.
4. Afirmar a presenza, os intereses e a imaxe de Galicia no contexto internacional, difundindo a realidade e especificidade galega no mundo.
5. Impulsar a participación con voz propia nos procedementos e mecanismos da política internacional e europea do estado das autonomías.
6. Garantir o posicionamento de Galicia nos ámbitos emerxentes da política e a economía internacionais, facilitando a adaptación da nosa sociedade aos cambios que vivimos.

7. Colaborar nas liñas de actuación da comunidade autónoma no ámbito específico da Unión Europea, para a defensa e pulo dos intereses de Galicia e aplicar dita actuación a outras áreas xeográficas que igualmente inciden nos intereses autonómicos.
8. Impulsar e profundizar na cooperación interrexional, tanto a nivel bilateral como multilateral.
9. Cooperar institucional e tecnicamente nas actuacións da Administración autonómica naquelas materias relacionadas coas políticas rexionais e sectoriais en xeral.
10. Representar á comunidade autónoma nos órganos de cooperación ou institucións que, en materia comunitaria ou de acción exterior, correspondan competencialmente, así como garantir a presenza activa de Galicia en diversas institucións e organismos da Unión Europea e outras esferas de actuación comunitarias.
11. Dar resposta ás implicacións derivadas da actividade da Unión Europea e a súa incidencia nos intereses e competencias da comunidade autónoma.
12. Conciliar actuacións, definir prioridades e canalizar a información que, no ámbito da Unión Europea e da acción exterior en xeral, sexan de interese para os departamentos da Xunta de Galicia e para a sociedade galega no seu conxunto.
13. O pulo da cooperación con rexións de áreas xeográficas europeas e non europeas a través de estruturas de participación bilateral e multilateral.
14. Cooperación especial coa Rexión-Norte de Portugal, no marco das novas perspectivas financeiras da Unión Europea (2007-2013).
15. Colaborar no proceso de internacionalización da economía e das empresas, como un dos obxectivos prioritarios da Xunta de Galicia.
16. Exercer un correcto funcionamento administrativo da Secretaría Xeral de Relacións Exteriores, da Dirección Xeral de Cooperación Exterior así como da Fundación Galicia Europa.

2. Actividades

A consecución destes obxectivos precisa da realización de múltiples actuacións entre as que se poden salientar, como máis significativas, as que de seguido se relacionan:

1. Preparar as liñas estratéxicas de actuación no eido da acción exterior, así como elaborar aquela documentación precisa, que se requiran no apoio ao Presidente da Xunta de Galicia en todas as actividades desenvolvidas neste contexto.
2. Coordinar e preparar as viaxes do Presidente como membro de diversos órganos comunitarios, e colaborar na preparación daqueles outros a realizar no marco competencial das relacións exteriores en xeral.

3. Impulsar as actuacións que en materia de acción exterior corresponden á Xunta de Galicia e máis concretamente as derivadas da participación de Galicia na área de Iberoamérica e en distintos estados doutras áreas xeográficas de actuación ou en expansión.
4. Formular posibles liñas estratéxicas da actividade exterior da comunidade autónoma, a determinación dos seus obxectivos e tarefas circunstanciais e máis a habilitación dos medios políticos e administrativos necesarios para executalas.
5. Atender á defensa e promoción dos intereses dos galegos do exterior, establecendo infraestruturas que sirvan de proxección dos valores de Galicia e canle de relacións estables para os intereses comúns.
6. Preservar a presenza galega no mundo con identidade diferenciada e capacidade decisoria, como sinal de identidade nacional.
7. Apoiar de maneira principal, o labor da Comunidade de Traballo Galicia-Norte de Portugal, sacando o máximo partido á figura da Agrupación Europea de Cooperación Territorial (AECT) creada por Regulamento (CE), do Parlamento Europeo e do Consello.
8. Impulsar a incorporación no marco estratéxico galego das empresas, entidades e colectividade galegas, con presenza no exterior.
9. Coordinar a participación de Galicia, en tanto que rexión membro, no Consello de Ministros, no Comité das Rexións, e nos Comités da Comisión Europea, no que a Unión Europea se refire, así como na Comisión Arco Atlántico, na Comunidade de Traballo Galicia-Norte de Portugal e noutras organizacións rexionais europeas, e igualmente elaborar os informes e conclusións dos asuntos tratados nas respectivas xuntanzas, para a súa divulgación entre os departamentos da Xunta de Galicia interesados.
10. Asumir a representación de Galicia nos mecanismos de diálogo e colaboración existentes entre a Administración central e as comunidades autónomas e exercer a necesaria relación de colaboración entre os distintos departamentos da Xunta de Galicia para os asuntos de ámbito europeo ou de proxección exterior, en xeral.
11. Coordinar e seguir o procedemento de axudas públicas e o de tratamento de queixas comunitarias, fronte á Comisión Europea, a través da realización de tarefas de coordinación e interlocución entre os departamentos da Xunta de Galicia, a Administración do Estado e a Unión Europea.
12. Aplicar as iniciativas enmarcadas no documento “Estratexia de Acción e Política Exterior de Galicia”.
13. Participar financeiramente no funcionamento e administración de organizacións rexionais europeas.
14. Desenvolver a participación da Iniciativa comunitaria INTERREG III A no período actual 2006-2009.

15. Cooperar coas distintas rexións implicadas para a posta en marcha e execución de proxectos de interese interrexional e outras iniciativas que respondan a fins concretos de actuacións sectoriais, de estratexias de desenvolvemento atlántico, e de formulación de solucións á problemática das situacións transfronteirizas.
16. Asistir e participar en xuntanzas e asembleas de institucións ou organizacións do exterior en xeral, así como organizar ou participar en foros, encontros, xornadas ou conferencias, dirixidas a dinamizar os obxectivos das funcións competenciais da secretaría xeral.
17. Adoptar medidas axeitadas que fomenten o intercambio de coñecementos, documentación e experiencias en materia de información, formación e difusión de cuestións que atinxen á Unión Europea.
18. Cubrir a participación da Xunta de Galicia na Fundación Galicia Europa cara á consecución dos seus obxectivos, así como dirixir as súas actividades.
19. Elaborar, xestionar e controlar os orzamentos da Secretaría Xeral de Relacións Exteriores, da Dirección Xeral de Cooperación Exterior e da Fundación Galicia Europa.

3. Órgano encargado da súa execución

Secretaría Xeral de Relacións Exteriores

PROGRAMA 121B. ASESORAMENTO E DEFENSA DOS INTERESES DA COMUNIDADE AUTÓNOMA

1. Descrición

Á Asesoría Xurídica, con rango de dirección xeral, que depende da Secretaría Xeral da Presidencia, correspóndelle a dirección e coordinación dos servizos de asistencia xurídica da Administración da comunidade autónoma e da súa Administración institucional, tanto consultiva como contenciosa, nos termos da Lei 7/1984, do Parlamento de Galicia, e do artigo 551.3 da Lei orgánica do poder xudicial.

2. Actividades

Os obxectivos e liñas de acción da Asesoría Xurídica Xeral son os que se definen e concretan no Regulamento Orgánico da Asesoría Xurídica da Xunta de Galicia, aprobado polo Decreto 343/2003, do 11 de xullo e, en concreto, a prestación de asistencia xurídica tanto contenciosa como consultiva.

Desta maneira, trátase de profundizar na defensa máis efectiva ante os órganos xurisdicionais así como na emisión de todo tipo de informes en dereito e o estudo e informe dos distintos proxectos normativos.

Debe destacarse a atención que se vai prestar ao asesoramento en asuntos de orde xurisdiccional constitucional como consecuencia da creación dun Gabinete de Asuntos Constitucionais e por outra parte vaise incidir no exame e seguimento de normativa comunitaria e na prestación de asesoramento xurídico en dita materia de dereito comunitario europeo.

As actividades son as propias da Asesoría Xurídica Xeral definidas no seu Regulamento Orgánico aprobado polo Decreto 343/2003, do 11 de xullo, e modificado polo Decreto 120/2006, do 20 de xullo, e que se concretan en:

1. O asesoramento á Administración autonómica en asuntos constitucionais así como a representación e defensa ante o Tribunal Constitucional.
2. O asesoramento á Administración da comunidade autónoma en materia de dereito comunitario europeo e o seguimento de normativa comunitaria.
3. O asesoramento e a emisión de informes en dereito á Administración autonómica.
4. Estudo e informe dos anteproxectos de lei e dos proxectos de normas regulamentarias.
5. A defensa e representación en xuízo da Administración autonómica.

En xeral, a prestación das funcións de asistencia xurídica tanto contenciosa como consultiva.

3. Órgano encargado da súa execución

Asesoría Xurídica da Xunta de Galicia

PROGRAMA 151A. FOMENTO DA LINGUA GALEGA

1. Descrición

Este programa materializa a promoción e fomento do coñecemento e o uso social da lingua galega en desenvolvemento do Plan Xeral de Normalización da Lingua Galega.

2. Actividades

Capítulo I. Concentra o gasto que se precisa para facer fronte ao custo dos soldos e salarios do persoal adscrito a este departamento.

Capítulo II. As partidas orzamentarias que aparecen neste capítulo dedícanse basicamente a cubrir os gastos necesarios para o normal funcionamento desta secretaría xeral e do Centro Ramón Piñeiro para a Investigación en Humanidades, e a asumir as asistencias das comisións vinculadas ao Plan Xeral de Normalización da Lingua Galega, tales como a Comisión Interdepartamental da Xunta de Galicia e a Comisión de Seguimento e Impulso do Plan Xeral.

Así mesmo soporta os gastos derivados da participación en grupos de traballo e en eventos relacionados coa actividade que desenvolve esta secretaría.

Capítulo IV. Un dos obxectivos prioritarios é o de potenciar a proxección do galego na sociedade, de modo que sexa utilizado mesmo naqueles campos e sectores de poboación ata o de agora menos proclives ao seu uso tanto no código oral coma no escrito, e moi especialmente neste último.

Para isto convócanse anualmente axudas que serán destinadas a financiar operacións correntes das asociacións, colexios profesionais, cámaras de comercio e demais entidades e institucións sen fin de lucro, e das empresas privadas e empresas editoriais que realicen accións encamiñadas á potenciación da lingua galega e, polo tanto, á súa divulgación e coñecemento.

Para poder incrementar a proxección do galego na sociedade, os poderes públicos que teñen encomendada a súa promoción deben conseguir que se valore o feito lingüístico e prestixiar o seu uso. Para iso promoverase a investigación da lingua galega desde a perspectiva lingüística, desde a literaria e desde a humanística.

Segundo esta premisa, o Centro Ramón Piñeiro para a Investigación en Humanidades leva a cabo a súa función investigadora. Para realizar estas investigacións, dirixidas por persoal especializado (fundamentalmente universitario), é preciso formar xoves investigadores que poidan materializar as actividades que se lles encomenden, destacando entre estas a posta ao día da terminoloxía científico-técnica.

De acordo con isto convócanse bolsas destinadas a sufragar os gastos daquel persoal que, unha vez seleccionado e formado polos directores-coordinadores dos proxectos, colabora nas investigacións que se desenvolven no mencionado centro.

A tal fin concédense bolsas para estadias no Centro Ramón Piñeiro para a Investigación en Humanidades dirixidas a estudosos da lingua e da literatura galegas, procedentes do estranxeiro, que queiran afondar máis no noso patrimonio cultural.

Tamén aparecen dotadas as bolsas do profesorado lector que imparte formación en lingua galega nos centros de estudos galegos e nas universidades de fóra de Galicia.

Por último, este capítulo IV engloba a achega ao Consorcio Audiovisual de Galicia, do que é membro esta secretaría xeral desde o ano 2006.

Capítulo VI. Neste capítulo inclúense unha gran parte dos programas, plans e accións necesarias para desenvolver o Plan Xeral de Normalización da Lingua Galega, que foi aprobado no Parlamento de Galicia, por unanimidade, en setembro de 2004.

Concrétase en diversas accións:

1. Actividades de formación e investimentos para os equipos de normalización lingüística constituídos nos centros de ensino de nivel non universitario, de acordo co Decreto 124/2007, do 28 de xuño (DOG do 29 de xuño).
2. Cursos para diversos colectivos, adaptados aos enfoques metodolóxicos do Marco Europeo de referencia (obtención dos niveis de coñecemento CELGA), e de especialización para formadores.
3. Campañas e actuacións de promoción e sensibilización a prol da lingua galega dirixidas a toda a sociedade en xeral, ou aos escolares e a distintos sectores socioeconómicos, en particular:
 - a) Os medios de comunicación e industrias culturais.
 - b) A economía: industria, empresa e comercio.
 - c) A sanidade.
 - d) O deporte.
 - e) O mundo universitario (alumnos e docentes)
 - f) A edición en galego.
 - g) O ámbito eclesiástico.
 - h) A infancia e a familia e outros colectivos de grande importancia social.
 - i) A xuventude.
 - j) Os sindicatos.
4. Participación en feiras, exposicións e eventos culturais así como intercambio de experiencias en distintos foros e en centros do resto de España e do exterior.
5. Informática aplicada á lingua: deseño de ferramentas lingüísticas ao servizo da cidadanía (tradutores, correctores e verificadores, para entorno Windows e Macintosh), e de cursos en liña.
6. Programa para a lingua galega de tecnoloxías da información e da comunicación (operadoras de telefonía, etc.),
7. Accións para incentivar o uso da lingua galega na Administración periférica (Axencia Tributaria, Correos, etc.)
8. Seguimento de usos e comportamentos lingüísticos nos distintos sectores, a través do observatorio.
9. Intervencións para garantir o respecto aos dereitos lingüísticos da cidadanía que emprega o galego.

10. Actuacións para dar pulo ao emprego do galego na Unión Europea, co obxecto de facilitar e favorecer que a cidadanía utilice a súa propia lingua nas relacións cos organismos da Unión Europea.

Así mesmo, neste capítulo contéplase o pagamento de todos os proxectos de investigación lingüística, literaria e humanística que se desenvolven no Centro Ramón Piñeiro para a Investigación en Humanidades e, en xeral, todas as iniciativas desta índole que pretende apoiar a Secretaría Xeral de Política Lingüística.

Capítulo VII. A Lei 3/1983, do 15 de xuño, de normalización lingüística, nos seus títulos V “Do galego exterior” e VI “Da Administración Autonómica e a función normalizadora” estipula que o goberno galego fará uso dos recursos que lle confiren a Constitución Española e o Estatuto de Autonomía para que existan servizos culturais e lingüísticos fóra da comunidade autónoma, e que asumirá a dirección técnica e o seguimento do proceso de normalización da lingua galega. En desenvolvemento deste mandato, e das medidas e directrices estratéxicas recollidas no Plan Xeral de Normalización da Lingua Galega dentro do Sector 7 “Proxección exterior da Lingua”, a Secretaría Xeral de Política Lingüística ten, entre outros, o obxectivo de fomentar o estudo da lingua e da cultura galegas naqueles lugares onde haxa unha colectividade importante de galegos, ou ben un grande interese polo feito galego. Por iso mantén abertos lectorados nun número crecente de centros de ensino de fóra de Galicia.

Por outra banda, a avaliación dos acordos subscritos en anos anteriores entre este departamento e o que ten atribuídas as competencias de xustiza, e administración local, é altamente positiva en canto ao efecto normalizador e normativizador do idioma galego propugnado pola Lei 5/1998, do 21 de xuño, do uso do galego como lingua oficial de Galicia polas entidades locais. En cumprimento dos preceptos desta lei, e vistos os resultados acadados, faise necesario continuar formando ao persoal das corporacións locais e da xustiza, para afianzar o uso da lingua galega en todas as actividades que desenvolven, externas e internas, e nas “ferramentas” normativas e regulamentarias que utilizan de maneira cotiá.

3. Órgano encargado da súa execución

Secretaría Xeral de Política Lingüística

PROGRAMA 312C. SERVIZOS SOCIAIS RELATIVOS ÁS MIGRACIÓNS

1. Descrición

O programa 312C “Servizos sociais relativos ás migracións”, inclúe o desenvolvemento de actividades de apoio aos galegos e ás comunidades galegas asentadas fóra da nosa comunidade autónoma, para que estes participen da vida social e cultural de Galicia, e contribuír á mellora das súas condicións de

vida. Así mesmo, a través deste programa desenvólvense accións encamiñadas á procura da integración social e a inserción laboral do colectivo de inmigrantes e retornados na nosa sociedade.

2. Actividades

O Decreto 231/2005, do 11 de agosto, configura como órgano superior dependente da Presidencia da Xunta de Galicia á Secretaría Xeral de Emigración, á que o Decreto 44/2006, do 2 de marzo, lle atribúe as competencias en materia de desenvolvemento da Lei 4/1983, do 15 de xuño, de recoñecemento da galegitude, relacións coas comunidades galegas no exterior e política inmigratoria e de retorno de Galicia, e a representación e participación nos órganos e foros relacionados coa emigración que lle encomende o Presidente da Xunta de Galicia.

Para levar a cabo estas atribucións, esta secretaría xeral desenvolverá múltiples actuacións no exercicio orzamentario 2009, entre as que se poden destacar como máis significativas, as que de seguido se relacionan:

1. Apoiar e asesorar á Presidencia da Xunta (nas súas relacións institucionais coas comunidades galegas) en todas as actuacións relacionadas cos galegos e galegas, as comunidades galegas no exterior así como organizacións representativas da emigración galega no exterior, e no ámbito das materias que de inmigración e retorno leve a cabo a Administración autonómica.
2. Desenvolvemento do Plan Estratéxico da Emigración 2006-2009, a través das seguintes liñas de actuación:
 - a) Potenciación da asistencia socio-sanitaria en países iberoamericanos en situación de vulnerabilidade co fin de contribuír á atención das necesidades socio-sanitarias non satisfeitas polos sistemas de cobertura estatal e que afectan á poboación emigrante galega e aos seus descendentes, priorizando a asistencia a emigrantes en situación de extrema necesidade e establecendo un mínimo social digno que garanta o seu benestar.
 - b) Cursos de acción formativa e cultural para os galegos e galegas residentes no exterior, así como promoción de proxectos culturais colectivos de difusión da lingua, a identidade e a cultura galega como canle de racionalización e xestión eficaz dos recursos.
 - c) Establecemento de programas específicos coa xuventude de xeito que permita un maior achegamento e participación da nosa xuventude na vida asociativa da Galicia exterior, potenciando o uso das novas tecnoloxías como canle de comunicación, co fin de incorporar aos descendentes de galegos á vida dos centros e da colectividade galega.
 - d) Fomento de novas fórmulas de participación nos centros galegos que atraian ao colectivo feminino, potenciando a igualdade como valor fundamental.

- e) Apoio infraestrutural para os centros galegos do exterior para o adecuado desenvolvemento das súas actividades, de xeito que se garanta no futuro a viabilidade destes na emigración, como espazos asociativos autosostibles capaces de dar resposta ás novas necesidades da cidadanía galega no exterior, así como a dotación de ferramentas tecnolóxicas para difundir os proxectos, e as súas actividades a través da rede
 - f) Impulso do Rexistro voluntario “on line” de galegos e galegas residentes no exterior, como ferramenta para unha comunicación personalizada coa numerosa poboación galega residente no exterior.
 - g) Unificar e centralizar os puntos de atención, asesoramento, información aos emigrantes (oficinas de programas sociais, oficinas de atención xuvenil) a través de infraestruturas físicas ou telemáticas, de tal forma que alcance ao maior número de cidadáns galegos residentes no exterior.
 - h) Desenvolvemento da Rede virtual do patrimonio galego exterior para conservar e catalogar o patrimonio histórico e cultural dos centros galegos espallados polo mundo (inmobles, bibliotecas emblemáticas, documentos, coleccións, etc.), así como a posta en marcha dun portal no que se difundirá o dito patrimonio catalogado.
 - i) Favorecer a participación dos estudantes galegos do exterior nos cursos e programas do sistema universitario e formación profesional da comunidade autónoma.
 - j) Colaboración coa Consellería de Educación para a difusión nas escolas da importancia do patrimonio público da emigración nos concellos galegos.
 - k) Fomentar o servizo de información aos galegos e galegas residentes no exterior sobre os programas e accións da Xunta de Galicia dirixidas á emigración a través de www.galiciaaberta.com así como as campañas informativas que se consideren oportunas.
3. Desenvolvemento do Plan galego de cidadanía, convivencia e integración 2008-2011, cuxa finalidade última é a consecución da plena integración social das persoas inmigrantes na sociedade galega, a través de medidas e actuacións en diversas áreas.
- a) Desenvolvemento dunha acollida de carácter integral, a través do fomento de redes de coordinación entre todos os axentes implicados en programas de acollida: cobertura das súas necesidades básicas, impartición de cursos de idiomas, accións informativas e de asesoramento legal de carácter xeral. Por outra banda, a promoción de actuacións de acollida ás persoas en situación de especial vulnerabilidade.
 - b) Programas de información e orientación individualizada para achegar os servizos públicos á poboación inmigrante, en especial o acceso aos servizos de saúde, a través de accións de

difusión e colaboración entre os servizos públicos e as entidades que traballan con este colectivo. Así mesmo, a formación en interculturalidade a profesionais que traballan con persoas inmigrantes.

- c) Accións que potencien o acceso á educación, en igualdade de condicións, do alumnado inmigrante, como instrumento de integración social.
 - d) Programa integral dirixido ás mulleres inmigrantes: educación de adultos, formación profesional, cursos de habilidades sociais, inserción laboral e educación para a saúde.
 - e) Programas e campañas de sensibilización: promoción dunha imaxe positiva da inmigración, que favorezan a sensibilización da sociedade galega e fomenten actitudes positivas respecto ao colectivo estranxeiro asentado na comunidade autónoma galega, así como a loita contra a súa discriminación, promovendo valores de respecto, tolerancia e solidariedade que eviten actitudes racistas ou xenófobas.
 - f) Programas de acceso, mellora e mantemento do emprego para facilitar a inserción laboral dos inmigrantes, así como accións formativas que contribúan a incrementar a empregabilidade deste colectivo.
- 4. Establecer mecanismos de información e apoio ao retorno que inclúan supostos de protección específicos para os retornados maiores ou en situación de precariedade económica ou social, apoiando ás familias receptoras e facilitando a súa integración social, así como facilitar o acceso á vivenda da poboación retornada en réxime de aluguer, especialmente nas primeiras fases de retorno.
 - 5. Apoio á creación e mantemento de movementos asociativos de inmigrantes e retornados.
 - 6. Fomento da formación “on line”, como canle de reforzamento dos vínculos sociais e culturais cos emigrantes galegos e os seus descendentes residentes fóra de Galicia, así como medio de especialización dos inmigrantes, retornados e entidades que traballen neste ámbito, co fin de proporcionarlles coñecementos que contribúan a facilitar a súa total integración na sociedade galega.
 - 7. Mantemento, actualización e dinamización do portal Galicia aberta, no que converxen as webs de entidades galegas no exterior e de asociacións de inmigrantes e retornados, respecto dos cales hai que garantirlle a súa operatividade.
 - 8. Desempeño das funcións de atención á cidadanía galega na delegación da Xunta de Galicia en Bos Aires, en especial, en materia de xestión de pensións, de asistencia sanitaria e temas que teñan que ver co retorno dos emigrados.
 - 9. Apoio á Fundación Galicia Emigración.

3. Órgano encargado da súa execución

Secretaría Xeral de Emigración

PROGRAMA 331A. COOPERACIÓN EXTERIOR E AO DESENVOLVEMENTO

1. Descrición

No programa 331A “Cooperación Exterior e ao Desenvolvemento” contémplase, en base ao Decreto 44/2006, do 2 de marzo, os obxectivos da Dirección Xeral de Cooperación Exterior así como as actividades a levar a cabo para o seu cumprimento.

1. Executar a Lei 3/2003, de 19 de xuño, de cooperación para o desenvolvemento.
2. Fomentar a cooperación a favor dos países en vías de desenvolvemento entre os diferentes axentes de cooperación galega maximizando o efecto da axuda sobre as poboacións directamente afectadas, dando así poder efectivo aos seus beneficiarios sobre o seu propio futuro.
3. Planificar estratexias de cooperación ao desenvolvemento da Xunta de Galicia, detallando a especial incidencia ás aplicacións por sector e países para garantir o maior grao posible de eficiencia e integrabilidade da cooperación.
4. Incentivar a participación social e cívica nas accións de cooperación ao desenvolvemento fomentando a concienciación da nosa sociedade e a tolerancia aos valores culturais dos países en vías de desenvolvemento.
5. Promover a formación e capacitación na materia de cooperación internacional, tanto teórica como na práctica.
6. Fomentar a coordinación e o traballo conxunto de Galicia en programas da Axencia Española de Cooperación Internacional e outras axencias multilaterais de cooperación ao desenvolvemento.
7. Fortalecer os diferentes actores da cooperación galega para o desenvolvemento, con especial fincapé nas ONGD, o Fondo Galego de Cooperación e Solidariedade, as comunidades galegas no exterior e as universidades galegas.

2. Actividades

No 2009 está previsto levar a cabo, ademais do xa iniciado no 2008, os seguintes obxectivos coas súas actividades correspondentes.

1. Elaboración do Plan anual para a cooperación galega 2009 para a súa presentación no Consello Galego, Comisión Interterritorial e Comisión Interdepartamental de Cooperación para o Desenvolvemento.

2. Execución de programas integrais de cooperación a longo prazo, continuando o proceso de concentración da axuda para asegurar un maior impacto e primar así a cooperación cos sectores máis pobres a través de proxectos nos que se favorezan os esforzos dos gobernos e da sociedade civil:
 - a) Cooperación directa: Senegal (Sant Louis), Mozambique (Cabo Delgado), Perú (Piura e Amazonas), Guatemala (Retaluleu), República Dominicana (Santiago de los Caballeros), Haití e Honduras. Nos sectores de: Saúde, auga potable, medio ambiente, xénero, educación básica e superior, construción - vivenda, pesca, fortalecemento institucional e atención a menores vítimas de explotación comercial infantil.
 - b) Execución da convocatoria de programas a medio e longo prazo para ONGD.
 - c) Identificación de novos programas integrais de cooperación, tanto de xeito directo como con outras axencias de cooperación (AECI, PNUD, FAO, etc.).
3. Coordinación e apoio ás accións de cooperación internacional realizadas por consellerías da Xunta de Galicia (Pesca, Vivenda, Medio Rural e Medio Ambiente) que trala súa revisión e análise durante o 2007 computaron xa no 2008 como Axuda Internacional ao Desenvolvemento (AOD). Tal e como recoñece a Lei 3/2003 de cooperación ao desenvolvemento.
4. Desenvolvemento da Rede de Funcionariado Cooperante, para que funcionarios da Xunta de Galicia se poidan incorporar a proxectos de cooperación internacional.
5. Incentivar a participación social e cívica nas accións de cooperación ao desenvolvemento fomentando a concienciación da nosa sociedade sobre as causas da pobreza:
 - a) Extensión do programa de sensibilización sobre o desenvolvemento como dereito humano e a realidade da cooperación feita dende a Xunta de Galicia a todas as cidades galegas e núcleos de poboación rural.
 - b) Potenciar esixencia e impacto nas accións de sensibilización formuladas dende os axentes galegos.
 - c) Edición e difusión de boletín “on line” e físico sobre a cooperación galega.
6. Promover a formación e capacitación na materia de cooperación internacional, tanto teórica como na práctica:
 - a) Realización da convocatoria de bolsas de formación de expertos/as en cooperación internacional para o desenvolvemento tanto en terreo como na propia dirección xeral.
 - b) Ampliar bolsas de formación práctica en axencias multilaterais de Nacións Unidas: Fao e Unifem.

- c) Realización de cursos de formación para todos os actores da cooperación galega sobre formulación de proxectos, metodoloxía de marco lóxico, seguimento e avaliación, impacto de accións de comunicación, etc. Tanto de xeito directo como a través doutras entidades.
7. Fortalecer aos diferentes actores da cooperación galega para o desenvolvemento:
- a) ONGD. Convocatoria, fortalecemento e apoio individualizado específico para entidades con enderezo social en Galicia.
 - b) Concellos. Apoio ao Fondo Galego de Cooperación Internacional e integración de concellos e deputacións en programas e proxectos de cooperación.
 - c) Comunidades galegas no exterior. Especialmente as dos países preferentes da cooperación galega: Arxentina, Uruguai e Venezuela.
 - d) Universidades galegas. Elaboración, estudio, iniciativas, cooperación e apoio en accións concretas de investigación, formación e cooperación directa.
8. Aumento da calidade, seguimento e planificación da avaliación de proxectos de cooperación ao desenvolvemento financiados directa ou indirectamente pola Xunta de Galicia dos proxectos de cooperación presentados:
- a) Implantación da normativa de Certificación entidades para asegurar capacidade e solvencia para asumir a xestión de programas a longo prazo.
 - b) Seguimento e avaliación de 92 proxectos de cooperación, financiados directa ou indirectamente pola Xunta de Galicia en diferentes países en vías de desenvolvemento para analizar o impacto das accións financiadas.
9. Seguimento de actuacións e proxectos de axuda humanitaria e de emerxencia dotando orzamentaria e estratexicamente á Axencia Humanitaria de Galicia.
10. Potenciación da Fundación Axencia Humanitaria de Galicia.
11. Seguimento do plan para implantación e difusión do comercio xusto tanto a través de tendas de ONGD como de iniciativas privadas.
12. Elaboración e divulgación da memoria da Cooperación galega 2008.
13. Seguimento e implantación dos plans de actuación por país (PAPs) para os países prioritarios e preferentes establecidos no Plan director da cooperación galega; establecendo os sectores e áreas xeográficas de actuación prioritaria para cada país.

14. Seguimento da convocatoria de microproxectos, iniciada no 2008, para o desenvolvemento no exterior polas ONGDs ampliándoo ás universidades.
15. Actualización das liñas e canles de traballo vía web do catálogo de recursos educativos.
16. Organización dunha “campana específica” que dea continuidade á realizada no 2008 (Achégate á Cooperación Galega)
17. Difusión das reportaxes gravadas no 2008 en diversos proxectos que recibiron apoio da dirección xeral.
18. Integración e coordinación entre outras comunidades autónomas, AECID en políticas de cooperación e seguimento de calidade e impacto en terreo.
19. Elaboración da proposta do Plan director 2010-2013.

3. Órgano encargado da súa execución

Dirección Xeral de Cooperación Exterior

PROGRAMA 432C. FOMENTO DO AUDIOVISUAL

1. Descrición

A finalidade do programa de fomento do audiovisual está relacionada coa relevante notoriedade e influencia que o sector da imaxe ten sobre a sociedade actual. Por isto, as actuacións da Dirección Xeral de Comunicación Audiovisual están encamiñadas a potenciar o sector, no marco das actuacións posteriores á efectiva produción audiovisual, fomentando a promoción e difusión do patrimonio audiovisual galego e das artes da imaxe.

2. Actividades

1. Axudas a empresas, a entidades sen ánimo de lucro e a concellos para o desenvolvemento e organización de festivais e mostras cinematográficas dentro da Comunidade Autónoma de Galicia.
2. Axudas a empresas para a comercialización de producións audiovisuais galegas, pola asistencia a mercados, foros de coprodución e/ou misións comerciais ou pola asistencia a festivais.
3. Axudas a empresas para apoiar actos de estrea ou presentación de producións audiovisuais galegas ou en lingua galega dentro da comunidade autónoma.
4. Actividades específicas de difusión e de programación a través do Centro Galego das Artes de Imaxe (CGAI).
5. Promoción en Galicia e no exterior do patrimonio audiovisual galego, a través do Consorcio Audiovisual.

6. Recuperación, conservación e difusión do patrimonio audiovisual galego.
7. Continuar co proxecto “Cine galego na rede” encadrado no proxecto “Audiovisual innova”.
8. Actuacións para o mantemento e mellora da exposición permanente Galiciadixital, así como das súas exposicións itinerantes.
9. Convenios con outros organismos e institucións para o fomento do audiovisual galego.

3. Órgano encargado da súa execución

Dirección Xeral de Comunicación Audiovisual

PROGRAMA 461A. COBERTURA INFORMATIVA E APOIO Á COMUNICACIÓN SOCIAL

1. Descrición

Potenciar o coñecemento de Galicia e das súas institucións, así como a promoción dos seus valores e da súa lingua nos medios de comunicación

Apoio á comunicación a través da promoción das novas tecnoloxías aplicadas á mesma, acadando maiores niveis de coñecementos multimedia e audiovisual entre a poboación galega que melloren as súas competencias profesionais e faciliten o seu acceso a mundo laboral.

2. Actividades

1. Divulgación da acción institucional da Xunta de Galicia.
2. Realización das tarefas destinadas a establecer a coordinación operativa da comunicación interdepartamental da Xunta de Galicia.
3. Preparación da axenda normativa referente aos medios informativos e a publicidade.
4. Xestión dunha liña de axudas destinadas ás empresas xornalísticas e de radiodifusión.
5. Xestión dunha liña de axudas destinadas a empresas xornalísticas que realicen as súas publicacións en galego conforme á normativa oficial vixente.
6. Xestión dos convenios coas universidades galegas para a realización de prácticas nos gabinetes de comunicación da Xunta de Galicia para estudantes das Facultades de Ciencias da Comunicación.
7. Elaboración e xestión do programa propio de actividades do Club Internacional de Prensa de Galicia.
8. Apoio e posta en marcha de accións que teñan por obxecto a mellorar a formación e cualificación dos profesionais dos medios informativos.
9. Organización de xornadas, seminarios e encontros dos profesionais da comunicación.

10. Realizar estudos de investigación sobre os medios informativos existentes na comunidade autónoma co fin de mellorar e dar apoio a súa competitividade no mercado.
11. Elaboración de informe preceptivo, na subscripción de convenios cos diferentes medios informativos, e dos plans de medios que se deriven dos concursos públicos de campañas publicitarias.
12. Convocatoria dos Premios Galicia de Comunicación
13. Achegar as novas tecnoloxías da comunicación ao conxunto dos galegos, especialmente no rural e en concellos de tamaño medio, incrementando e reforzando a rede de telecentros de comunicación, impulsando as accións de formación en rede e a oferta de novos servizos públicos en coordinación coas administracións e axentes implicados.
14. Dotar a rede de telecomunicacións dos bens de equipo necesarios para avanzar no despregue do múltiplex autonómico da televisión dixital terrestre (TDT).
15. Contribuír á alfabetización dixital da cidadanía galega, incrementando e reforzando a rede de telecentros de comunicación, impulsando as accións de formación en rede e a oferta de novos servizos públicos en coordinación coas administracións e axentes implicados.
16. Axudas a empresas sen ánimo de lucro para a dotación de equipamento audiovisual e multimedia.
17. Axudas a empresas sen ánimo de lucro para a creación de medios electrónicos de comunicación.
18. Axudas a concellos para equipamento de emisoras FM municipais e para equipamento multimedia.
19. Axudas a concellos para realización de estudos e traballos técnicos no marco da TDT e, por outra banda, para a dotación de infraestruturas de baixa potencia de TDT.
20. Preparación, programación, xestión e coordinación de proxectos multimedia no ámbito de comunicación.
21. Preparación e seguimento dos programas de novas tecnoloxías no ámbito de comunicación.

3. Órganos encargados da súa execución

Secretaría Xeral de Comunicación

Dirección Xeral de Comunicación Audiovisual

PROGRAMA 461B. RADIODIFUSIÓN E TVG

1. Descrición

A actual transición da tecnoloxía analóxica á dixital fai necesario a dotación, mellora e ampliación das infraestruturas e redes de difusión de radio e televisión, co despregue dunha nova rede de radiocomunicacións dixitais.

Así mesmo, na procura de que a capacidade de resposta dos distintos organismos institucionais e de emerxencia sexa a axeitada é necesario realizar o despregue da nova Rede oficial de comunicacións da Xunta de Galicia.

A través deste programa dótase de medios económicos complementarios á CRTVG e as súas empresas, co fin de dar viabilidade o funcionamento das actividades que lles son propias, así como facilitarlle os medios materiais e técnicos suficientes para manter operativas as redes de televisión e radio institucionais e lograr unha cobertura de recepción que chegue a todo o territorio de Galicia.

2. Actividades

1. Realizar as transferencias de capital que se outorguen á Compañía de Radiotelevisión de Galicia e as súas sociedades (TVG e RTVG).
2. Realizar as transferencias correntes e de capital que se outorguen á sociedade Redes de Telecomunicación Galegas (Retegal, S.A.).
3. Ampliar e mellorar a infraestrutura de radio e televisión, mediante novos investimentos.
4. Elaboración de normas e emisión de informes administrativos relativos á televisión e radiodifusión.
5. Control e xestión de procedementos de autorizacións e concesións de televisión e radiodifusión.
6. Xestión e rexistro de concesionarios de televisión e radiodifusión.
7. Control, inspección e tramitación de expedientes sancionadores en materia de medios e contidos audiovisuais.
8. Xestión, planificación, coordinación e asesoramento técnico dos servizos e infraestruturas de telecomunicación da Xunta de Galicia.
9. Realizar estudos técnicos e de planificación para obter cobertura o máis ampla posible na emisión/recepción de programas de radio e televisión que dependen da Xunta de Galicia, así como aqueles estudos tendentes á mellora das infraestruturas.
10. Completar a Rede Oficial de Comunicacións da Xunta de Galicia e colaborar coa RECETGA.
11. Planificación e xestión da autoestrada galega da información.
12. Coordinación das actuacións de RETEGAL.

3. Órgano encargado da súa execución

Dirección Xeral de Comunicación Audiovisual

CADROS NUMÉRICOS

Orzamento consolidado. Distribución dos créditos por programas e servizos

Programas	Servizos					
	10	11	12	20	30	31
111A-Presidencia da Xunta de Galicia	4.481,1		106,9			
111D-Alto asesoramento da Comunidade Autónoma de Galicia				2.190,7		
111E-Relacións exteriores						
121B-Asesoramento e defensa dos intereses da C.A.		2.653,7				
151A-Fomento da lingua galega						
312C-Servizos sociais relativos ás migracións						
331A-Cooperación exterior e ao desenvolvemento						
432C-Fomento do audiovisual						3.656,5
461A-Cobertura informativa e apoio á comunicación social					8.346,2	2.791,0
461B-Radiodifusión e TVG						131.145,1
Total	4.481,1	2.653,7	106,9	2.190,7	8.346,2	137.592,7

Programas					
	40	41	50	60	Total
111A-Presidencia da Xunta de Galicia					4.588,0
111D-Alto asesoramento da Comunidade Autónoma de Galicia					2.190,7
111E-Relacións exteriores	4.233,6				4.233,6
121B-Asesoramento e defensa dos intereses da C.A.					2.653,7
151A-Fomento da lingua galega				21.531,4	21.531,4
312C-Servizos sociais relativos ás migracións			20.698,2		20.698,2
331A-Cooperación exterior e ao desenvolvemento		11.663,8			11.663,8
432C-Fomento do audiovisual					3.656,5
461A-Cobertura informativa e apoio á comunicación social					11.137,2
461B-Radiodifusión e TVG					131.145,1
Total	4.233,6	11.663,8	20.698,2	21.531,4	213.498,3

(Miles de Euros)

Orzamento consolidado. Distribución dos créditos por programas e capítulos

Programas	Capítulos							
	I	II	III	IV	VI	VII	VIII	Total
111A-Presidencia da Xunta de Galicia	2.545,8	1.819,6		80,0	142,6			4.588,0
111D-Alto asesoramento da Comunidade Autónoma de Galicia	652,4	696,0		237,9	604,3			2.190,7
111E-Relacións exteriores	1.487,6	1.583,4	6,1	887,7	268,8			4.233,6
121B-Asesoramento e defensa dos intereses da C.A.	2.357,5	219,6			76,7			2.653,7
151A-Fomento da lingua galega	2.051,4	208,3		3.432,6	14.098,0	1.741,1		21.531,4
312C-Servizos sociais relativos ás migracións	2.625,0	2.940,4		11.106,3	1.264,5	2.761,9		20.698,2
331A-Cooperación exterior e ao desenvolvemento	549,7			6.569,4	605,3	3.939,5		11.663,8
432C-Fomento do audiovisual					3.370,0	286,5		3.656,5
461A-Cobertura informativa e apoio á comunicación social	2.337,0	1.729,0		294,2	6.615,7	161,3		11.137,2
461B-Radiodifusión e TVG				622,2	5.732,8	14.154,6	110.635,5	131.145,1
Total	14.606,3	9.196,4	6,1	23.230,2	32.778,7	23.045,0	110.635,5	213.498,3

(Miles de Euros)

Distribución orgánica

10 SECRETARÍA XERAL DA PRESIDENCIA	2008	2009	% Var.
Cap. I - Gastos de persoal	2.394,0	2.438,9	1,9
Cap. II - Gastos en bens correntes e servizos	2.004,0	1.819,6	-9,2
Cap. IV - Transferencias correntes	160,3	80,0	-50,1
Cap. VI - Investimentos reais	30,0	142,6	375,4
Total	4.588,3	4.481,1	-2,3

(Miles de Euros)

11 ASESORÍA XURÍDICA XERAL	2008	2009	% Var.
Cap. I - Gastos de persoal	2.244,6	2.357,5	5,0
Cap. II - Gastos en bens correntes e servizos	241,8	219,6	-9,2
Cap. VI - Investimentos reais	85,0	76,7	-9,8
Total	2.571,4	2.653,7	3,2

(Miles de Euros)

12 DIRECCIÓN X.DO GABINETE DA PRESIDENCIA	2008	2009	% Var.
Cap. I - Gastos de persoal	105,2	106,9	1,6
Total	105,2	106,9	1,6

(Miles de Euros)

20 SECRETARÍA XERAL DE ANÁLISE E PROXECCIÓN	2008	2009	% Var.
Cap. I - Gastos de persoal	648,7	652,4	0,6
Cap. II - Gastos en bens correntes e servizos	766,6	696,0	-9,2
Cap. IV - Transferencias correntes	262,0	237,9	-9,2
Cap. VI - Investimentos reais	670,0	604,3	-9,8
Total	2.347,2	2.190,7	-6,7

(Miles de Euros)

30 SECRETARÍA XERAL DE COMUNICACIÓN	2008	2009	% Var.
Cap. I - Gastos de persoal	1.106,3	1.121,4	1,4
Cap. II - Gastos en bens correntes e servizos	1.904,2	1.729,0	-9,2
Cap. IV - Transferencias correntes	198,3	180,1	-9,2
Cap. VI - Investimentos reais	5.893,2	5.315,7	-9,8
Total	9.102,0	8.346,2	-8,3

(Miles de Euros)

31 DIRECCIÓN X. DE COMUNICACIÓN AUDIOVISUAL	2008	2009	% Var.
Cap. I - Gastos de persoal	1.072,7	1.215,5	13,3
Cap. IV - Transferencias correntes	810,9	736,3	-9,2
Cap. VI - Investimentos reais	8.642,4	10.402,8	20,4
Cap. VII - Transferencias de capital	12.778,1	14.602,5	14,3
Cap. VIII - Activos financeiros	107.548,6	110.635,5	2,9
Total	130.852,8	137.592,7	5,2

(Miles de Euros)

40 SECRETARÍA XERAL DE RELACIÓNS EXTERIORES	2008	2009	% Var.
Cap. I - Gastos de persoal	1.256,9	1.487,6	18,4
Cap. II - Gastos en bens correntes e servizos	1.162,4	1.583,4	36,2
Cap. III - Gastos financeiros	3,1	6,1	100,0
Cap. IV - Transferencias correntes	977,6	887,7	-9,2
Cap. VI - Investimentos reais	298,0	268,8	-9,8
Total	3.697,9	4.233,6	14,5

(Miles de Euros)

41 DIRECCIÓN XERAL DE COOPERACIÓN EXTERIOR	2008	2009	% Var.
Cap. I - Gastos de persoal	544,8	549,7	0,9
Cap. IV - Transferencias correntes	6.458,0	6.569,4	1,7
Cap. VI - Investimentos reais	305,3	605,3	98,3
Cap. VII - Transferencias de capital	3.897,8	3.939,5	1,1
Total	11.205,9	11.663,8	4,1

(Miles de Euros)

50 SECRETARÍA XERAL DE EMIGRACIÓN	2008	2009	% Var.
Cap. I - Gastos de persoal	2.571,6	2.625,0	2,1
Cap. II - Gastos en bens correntes e servizos	3.238,4	2.940,4	-9,2
Cap. IV - Transferencias correntes	9.927,6	11.106,3	11,9
Cap. VI - Investimentos reais	1.401,9	1.264,5	-9,8
Cap. VII - Transferencias de capital	3.041,7	2.761,9	-9,2
Total	20.181,3	20.698,2	2,6

(Miles de Euros)

60 SECRETARÍA XERAL DE POLÍTICA LINGÜÍSTICA	2008	2009	% Var.
Cap. I - Gastos de persoal	1.856,8	2.051,4	10,5
Cap. II - Gastos en bens correntes e servizos	229,4	208,3	-9,2
Cap. IV - Transferencias correntes	3.780,3	3.432,6	-9,2
Cap. VI - Investimentos reais	15.463,4	14.098,0	-8,8
Cap. VII - Transferencias de capital	1.917,5	1.741,1	-9,2
Total	23.247,5	21.531,4	-7,4

(Miles de Euros)

SERVIZOS	2008	2009	% Var.
10 SECRETARÍA XERAL DA PRESIDENCIA	4.588,3	4.481,1	-2,3
11 ASESORÍA XURÍDICA XERAL	2.571,4	2.653,7	3,2
12 DIRECCIÓN X.DO GABINETE DA PRESIDENCIA	105,2	106,9	1,6
20 SECRETARÍA XERAL DE ANÁLISE E PROXECCIÓN	2.347,2	2.190,7	-6,7
30 SECRETARÍA XERAL DE COMUNICACIÓN	9.102,0	8.346,2	-8,3
31 DIRECCIÓN X. DE COMUNICACIÓN AUDIOVISUAL	130.852,8	137.592,7	5,2
40 SECRETARÍA XERAL DE RELACIÓNS EXTERIORES	3.697,9	4.233,6	14,5
41 DIRECCIÓN XERAL DE COOPERACIÓN EXTERIOR	11.205,9	11.663,8	4,1
50 SECRETARÍA XERAL DE EMIGRACIÓN	20.181,3	20.698,2	2,6
60 SECRETARÍA XERAL DE POLÍTICA LINGÜÍSTICA	23.247,5	21.531,4	-7,4
Total	207.899,6	213.498,3	2,7

(Miles de Euros)

Consellería e organismo autónomo

	Consellería		OO.AA/Axencias		Trans. Internas		Consolidado	
	2008	2009	2008	2009	2008	2009	2008	2009
Cap. I - Gastos de persoal	13.801,7	14.606,3					13.801,7	14.606,3
Cap. II - Gastos en bens correntes e servizos	9.546,7	9.196,4					9.546,7	9.196,4
Cap. III - Gastos financeiros	3,1	6,1					3,1	6,1
Cap. IV - Transferencias correntes	22.575,2	23.230,2					22.575,2	23.230,2
OPERACIÓNS CORRENTES	45.926,5	47.039,0					45.926,5	47.039,0
Cap. VI - Investimentos reais	32.789,2	32.778,7					32.789,2	32.778,7
Cap. VII - Transferencias de capital	21.635,2	23.045,0					21.635,2	23.045,0
Cap. VIII - Activos financeiros	107.548,6	110.635,5					107.548,6	110.635,5
OPERACIÓNS DE CAPITAL	161.973,1	166.459,2					161.973,1	166.459,2
Total	207.899,6	213.498,3					207.899,6	213.498,3

(Miles de Euros)

Medios persoais

Consellería	2008	2009
<i>Altos cargos</i>	12	13
<i>Persoal funcionario</i>	234	235
Subgrupo A1	114	82
Subgrupo A2	16	38
Subgrupo C1	36	49
Subgrupo C2	54	52
Grupo E e agrupacións profesionais	14	14
<i>Persoal laboral</i>	24	30
Grupo I	2	6
Grupo II		2
Grupo III	5	5
Grupo IV	6	6
Grupo V	6	6
Grupo VIII	5	5
<i>Outro persoal</i>	2	
TOTAL	272	278

Sociedades Públicas

	2009		
	Explo.	Capit.	Total
Compañía de Radio Televisión de Galicia	134.067,0	8.512,0	142.579,0
Redes de Telecomunicación Galegas S.A.	11.311,0	619,0	11.930,0

(Miles de euros)

